

Воскресные стихиры на «Господи, воззвах», глас 2:

Мене ждут праведницы, // дондеже воздаси мне.

Христос Спас наш, еже на ны рукописание, / пригвоздив на кресте, заглади, / и смертную державу упраздни. // Поклоняемся Его тридневному воскресению.

Из глубины воззвах к Тебе, Господи, // Господи, услыши глас мой.

Со архангелы воспоем Христово воскресение, / Той бо есть Избавитель и Спас душ наших, / и в славе страшней и крепцей силе // паки грядет судити миру, егоже созда.

Да будут уши Твои // внимлюще гласу моления моего.

Крестом Твоим упразднил еси, / юже от древа клятву, / погребением Твоим умертвил еси смерти державу; / востанием же Твоим просветил еси род человеческий. / Сего ради вопием Ти: // Благодетелю Христе Боже наш, слава Тебе.